



UGOVOR

o rekreativnim uslugama članova sindikalnih i drugih organizacija
zaključen u Sarajevu između:

JP „Olimpijski bazen Otoka“, d.o.o.	Sarajevo	Bulevar Meše Selimovića 83-b
Telefon br. 033 773 850	Fax.br. 033 773 874	
ID br. 4201330820004	Rješ. o reg. br. 065-0-Reg-08-001089	
Račun br. 338-690-223327-4959	Banka: UniCredit bank dd Sarajevo	
Koga zastupa: dr Avdija Hasanović, direktor		

(u daljem tekstu: Olimpijski bazen Otoka).

Sindikata doktora medicine i stomatologije Kantona Sarajevo

Telefon br. 061/854-576	Fax.br. /
ID br. 4202311900001	Rješ. o reg. br. 03-03-05-13761/16
Račun br. 3387302207516395	Banka: Uni Credit Bank d.d.
Koga zastupa: Prim. dr Izet Hočko, predsjednik	

(u daljem tekstu: Korisnik usluga).

Član 1.

U cilju realizacije rekreacije Korisnika usluga, ugovorne strane su se dogovorile da se ovim ugovorom regulišu sljedeće prostorno - tehničke usluge:

- A. Olimpijski bazen Otoka će Korisniku usluga ustupiti na korištenje sljedeće prostore sa pripadajućom opremom:
- Obilježeni prostor za rekreativce u bazenu;
 - Teretana i fitness sala;
 - Sauna od 12.00 do 21.00 sata;
 - Odgovarajući prostor svlačionice sa tuševima;
 - Sanitarni čvorovi
- B. Olimpijski bazen Otoka osigurava i stručno tehničko osoblje za opsluživanje:
- Elektroinstalacija
 - Rasvjete
 - Klimatizacije
 - Hidroinstalacija
 - Segmenta opšteg održavanja
- C. Olimpijski bazen Otoka će o svom trošku organizovati:
- Obezbeđenje prostora
 - Tekuće održavanje
 - Čišćenje i odvoz smeća i dezinfekciju prostora (čišćenja prostora od smeća koje nije odloženo u za to predviđeno mjesto je obaveza Korisnika usluga)

Član 2.

Neograničeno je korištenje sljedećih sadržaja:

- Plivalište (veliki olimpijski i mali rekreativni bazen) - svakim danom u periodu od 07:00 h do 22:30 h (posljednji ulaz je do 21:30 h).
- Sauna - svakim danom u periodu od 12:00 h do 21:00 h.
- Fitness centar - od ponedjeljka do subote u periodu od 07:00 h do 22:30 h, a nedjeljom u periodu od 09:00 h do 20:00 h.

Član 3.

a) Visine cijena pojedinačnih karti za članove sindikalnih organizacija za korištenje bazen i saune:

- **Mjesečna karta - sindikat - 70,00 KM.**
- **Godišnja karta - sindikat - 350,00 KM.**

b) Visina cijena pojedinačnih karti za fitness centar:

- **Mjesečna karta - sindikat - 50,00 KM.**
- **Godišnja karta - sindikat - 300,00 KM.**
- **U cijene je ukalkulisan PDV.**

Sindikalnu kartu, za usluge pod tačkom a) može koristiti i jedan član uže porodice (supružnici i djeca) isključivo pojedinačno, uz prijavu podataka tog člana koji će koristiti sindikalnu kartu, pri kupovini sindikalne karte na blagajni JP "Olimpijski bazen Otoka" d.o.o. Sarajevo, a za usluge pod tačkom b) može koristiti samo jedna osoba.

c) Korisnik usluga je obavezan dostaviti sindikalni spisak svojih članova, koji se po potrebi može i dopunjavati, na recepciju JP "Olimpijski bazen Otoka" d.o.o Sarajevo.

Svaka zloupotreba sindikalnih karti mimo predviđenih pravila bit će sankcionisana oduzimanjem iste.

Član 4.

Cijena usluga ovog ugovora određuje se na osnovu zvaničnog Cjenovnika usluga JP „Olimpijski bazen Otoka“ d.o.o. Sarajevo, koji je na snazi u vrijeme korištenja usluga.

Član 5.

Obaveze Korisnika usluga su:

- da svu opremu i rekvizite koji su vlasništvo Olimpijskog bazena Otoka koristi na način dobrog domaćina;
- da nadoknadi eventualnu štetu koja nastane na stvarima, opremi, instalacijama i objektu, a koju su prouzrokovali članovi Korisnika usluga;
- da predmetni prostor iz člana 1. ovog ugovora koristi isključivo za ugovorenu namjenu treniranja, bez korištenja za druge namjene;
- da ovlaštenom licu Olimpijskog bazena Otoka dostavi spisak sa imenima i osnovnim podacima svih lica koji su članovi Sindikalne organizacije;
- da svoje zahtjeve i obavještenja o svim promjenama obavezno dostavlja u pisanoj formi.

Član 6.

Korisnik usluga je odgovoran:

- za pridržavanje sljedećeg protokola korištenja prostora Olimpijskog bazena Otoka:
 - o Prilikom ulaska u objekat obavezno je posjedovanje odgovarajuće opreme;
 - o Poslije treninga obavezno je vraćanje ključeva od ormara;
 - o U slučaju učinjene štete napraviti će se zapisnik sa domaćinom objekta o učinjenoj šteti.
- lica koja prisustvuju treningu obavezno se kreću dogovorenim hodnim linijama, na način da njihovo kretanje ne ometa odvijanje drugih sadržaja u objektu niti da se ugrozi bezbjednost lica koja prisustvuju treningu, drugih korisnika objekta i samog objekta;
- da se lica koja koriste usluge bazena ponašaju u skladu sa „Kućnim redom i pravilima ponašanja“ objekta, te da se pridržavaju pravila o protivpožarnoj zaštiti i zaštiti na radu.

Član 7.

Ugovorne strane se obavezuju na dosljednu primjenu Zakona o zaštiti ličnih podataka BiH, sa posebnim osvrtom na član 17. kojim je propisano davanje ličnih podataka trećoj strani.

Član 8.

Ovaj ugovor se potpisuje na period od godinu dana i teče od dana potpisivanja. Ako jedna od ugovornih strana ne ispunjava svoje ugovorne obaveze, druga strana može jednostrano raskinuti ovaj ugovor uz prethodnu pisanu najavu.

Član 9.

U slučaju spora sporazumne strane će sve nesporazume pokušati riješiti mirnim putem, a ukoliko u tome ne uspiju, utvrđuje se mjesna nadležnost stvarno nadležnog suda u Sarajevu.

Član 10.

Ovaj ugovor sačinjen je u četiri (4) istovjetna primjerka na tri stranice sa jedanaest (11) članova, od kojih svaki primjerak ima vrijednost originala, a svaka ugovorna strana zadržava po dva (2) primjerka.

Član 11.

Ugovorne stranke su pročitale i razumjele ovaj ugovor, te izjavljuju da isti predstavlja izraz njihovih stvarnih volja te ga u to ime i potpisuju.

Sindikata doktora medicine i stomatologije KS


Prim. dr Izet Hočko, predsjednik

Broj: 206/24
Sarajevo, 25.12.2024. god.



JP "Olimpijski bazen Otoka" d.o.o.


Dr Avdija Hasanović, direktor

Broj: 02-1-2298/24
Sarajevo, 25.12.2024. god.